



# SGN OG FJORDANE FYLKESKOMMUNE

## KONKURRANSEGRUNNLAG

### Anbod 2017 - Helsevikarar

#### **ANSVARLEG PERSON:**

Innkjøpssjef Katrine R. Wilson

#### **OPPDRAKGJEGVAR:**

Sogn og Fjordane fylkeskommune  
Sogn og Fjordane felles innkjøp (SFFI)  
Askedalen 2, 6863 Leikanger

På vegne av kommunane

Askvoll, Bremanger, Eid, Fjaler, Gulen, Hyllestad, Lærdal, Selje, Vik, Vågsøy og  
Årdal

#### **VALD INNKJØPSPROSEDYRE:**

OPEN ANBODSKONKURRANSE ETTER DEL I OG DEL II FORSKRIFT OM OFFENTLIGE ANSKAFFINGAR

#### **AVTALETYPE:**

RAMMEAFTALE

#### **TILBODSFRIKT:**

16.02.2017 kl 12.00

---

<b>1 ANBODSINNBYDING OG GENERELL INFORMASJON .....</b>	<b>3</b>
1.1 Kort om oppdragsgjevar.....	3
1.2 Informasjon om konkurransen – Nøkkellopplysningar.....	3
1.3 Framdriftsplan for anskaffinga .....	3
1.4 Føremål med anskaffinga.....	3
1.5 Omfang .....	4
1.6 Varighet.....	4
1.7 Avtalereglar.....	4
1.8 Kungjering .....	4
1.9 Rettingar, tillegg eller endring av konkurransegrunnlaget .....	4
1.10 Spørsmål og svar.....	4
<b>2 REGLEAR FOR GJENNOMFØRING AV KONKURRANSEN.....</b>	<b>5</b>
2.1 Reglar og prosedyre for konkurransen.....	5
2.2 Offentleg innsynsrett .....	5
2.3 Teieplikt .....	5
2.4 Habilitet .....	5
<b>3 KRAV TIL LEVERANDØREN .....</b>	<b>5</b>
3.1 Generelt om kvalifikasjonskrav.....	5
3.2 Tilleggsfrist .....	6
3.3 Obligatoriske og ufråvikelege krav.....	6
3.4 Tilbydars organisatoriske og juridiske stilling .....	6
3.5 Tilbydars økonomiske og finansielle stilling.....	6
3.6 Tilbydars tekniske og faglege kvalifikasjonar.....	7
3.7 Underleverandørar .....	7
<b>4 KRAV TIL TILBODET.....</b>	<b>7</b>
4.1 Utforming av tilboden .....	7
4.2 Tilbodsfrist .....	8
4.3 Levering av tilboden .....	8
4.4 Oppretthaldning av tilboden.....	8
4.5 Endring og tilbakekalling av tilboden.....	8
4.6 Atterhald og avvik.....	8
4.7 Alternative tilbod.....	8
4.8 Tilbod på delar av oppdraget.....	8
4.9 Kostnader ved utarbeiding av tilbod og eventuelle møter .....	9
<b>5 HANDSAMING AV TILBODA .....</b>	<b>9</b>
5.1 Registrering av tilboda .....	9
5.2 Tilbodsopning.....	9
5.3 Avvisning av leverandørar .....	9
5.4 Avvisning av tilbod.....	9
5.5 Avklaring .....	9
1.1 Retting av openberre feil .....	9
1.2 Avviste og forkasta tilbod .....	9
<b>6 AVGJERDA AV KONKURRANSEN .....</b>	<b>9</b>
6.1 Avlysing av konkurransen og total forkasting.....	9
6.2 Evaluering av tilboda.....	9
<b>7 KONTRAKTSTILDELING .....</b>	<b>10</b>
7.1 Generelt.....	10
7.2 Innstilling på tildeling av avtale .....	10
<b>8 SJEKKLISTE FOR TILBYDAR .....</b>	<b>10</b>
<b>9 VEDLEGG .....</b>	<b>10</b>

## **1 ANBODSINNBYDING OG GENERELL INFORMASJON**

## **1.1 Kort om oppdragsgjevar**

Sogn og Fjordane fylkeskommune, heretter kalla "Oppdragsgjevar", administrerer Sogn og Fjordane Felles Innkjøp (SFFI). SFFI representerer eit samarbeid som består av fylkeskommunen, Fylkesmannen i Sogn og Fjordane, 25 kommunar i fylket, andre offentlege verksemder som Difi, fylkesmannen i Sogn og fjordane og Høgskulen i Sogn og Fjordane. Oversikt over kva kommune som deltek som Oppdragsgjevar i denne konkurransen følgjer av Vedlegg 1 Oversikt over deltakarar.

For meir informasjon om oppdragsgjevar, sjå <http://www.sj.no>

Avtalen som vert inngått med bakgrunn i utlysing vil vere bindande og obligatoriske for dei deltagande kommunar/verksemder (*heretter referert til som deltakarar*).

Når avtalar er inngått vil den enkilde *deltakar* sjølv ha ansvar som medkontrahent for gjennomføringa av den del av fellesavtalen som gjeld vedkommande *deltakar*.

Dersom nokon av deltakarane i innkjøpssamarbeidet i løpet av avtaleperioden skulle skilje ut deler av drifta til eigne rettssubjekt (f. eks aksjeselskap, stiftelse el) skal disse ha opsjon på innan rimelig tid å kunne tilknytte seg inngått avtale på opphavlege vilkår. Eventuell utskilling vil kunne redusere leveransens omfang.

## **1.2 Informasjon om konkurransen – Nøkkelopplysninger**

<b>Spørsmål</b>	Eventuelle spørsmål skal rettast til innkjøpstenesta på e-post: katrine.wilson@sfj.no
<b>Spørsmålsfrist</b>	06.02.2017 kl 16.00
<b>Vedståingsfrist</b>	3 månader fra tilbodsfrist
<b>Adresse for innlevering av tilbod</b>	Sogn og Fjordane fylkeskommune ved Innkjøpstenesta, Askedalen 2, 6863 Leikanger
<b>Merking av tilbod</b>	«Anbod 2017 – Helsevikarar»

## **1.3 Framdriftsplan for anskaffinga**

Oppdragsgjever har lagt opp til følgjande tidsrammer for anskaffingsprosessen:

Aktivitet	Tidspunkt
Kunngjering i Doffin og TED	21.12.2016
Siste frist for spørsmål	06.02.2017
Frist for å levere tilbod	16.02.2017
Tilbodsopning	16.02.2017
Evaluering	v. 7-8
Val av tilbydar og melding til tilbydarar	v. 8
Karensperiode	Rimeleg tid
Tentativ signering av avtale	Veke 10

Vi gjer merksam på at tidspunkta etter opning av tilboda er rettleiande. Vi tek etterhald om eventuelle endringar i framdriftsplangen.

## **1.4 Føremål med anskaffinga**

Føremålet for utlysinga er å inngå rammeavtale for kjøp av vikartenester til pleie og omsorg til dei deltagande samarbeidspartane. Det er aktuelt med vikarar for sjukepleiarar, helsefagarbeidarar, vernepleiarar og eventuelt andre fagpersonar innan pleie og omsorg. Det er behov for vikarar både i institusjon, i heimesjukpleien og i avdeling for psykiske helsetenester og i miljøtenester. Det er aktuelt både med ferievikarar, og vikarar ved sjukdom og anna fråvær.

Sjå vedlegg 2 Kravspesifikasjon/tilbodsmål for nærmere skildring av produkt/tenester.

Det er aktuelt å inngå parallelle rammeavtalar med fleire leverandørar. Reglar for uttak etter desse følgjer avtalevilkåra vedlegg 5.

## **1.5 Omfang**

Oppdragsgjevar kan ikkje gje eksakt økonomisk omfang av førespurnaden. Kontrakten verdi er vurdert til ca. kr 27.000.000,- årleg for dei deltagande kommunane til saman. Vi vil presisere at dette er et overslag basert på dagens situasjon. Vi tek etterhald om årlege variasjonar og tala er berre rettleiande og ikkje bindande for oppdragsgjevar.

## **1.6 Varighet**

Avtalen trer i kraft når avtalen vert underteikna. Varighet for avtalen blir rekna frå leveringsdato. Avtalen gjeld for 2 år, med opsjon på forlenging av avtalen med eitt år av gongen inntil 2 år. Totalt vil avtalen kunne gjelde for inntil 4 år.

Oppdragsgjevar tar etterhald om at eventuelle eksisterande avtalte vikaroppdrag skal løpe til vikaroppdraget er avslutta. Disse avtalene skal opphøre seinast 01.09.2017.

## **1.7 Avtaleregler**

Det vil verte inngått avtale med den eller dei tilbydarane som har det beste tilbodet ut ifrå dei tildelingskriteria som er sett opp. Sjå vedlegg 5 avtalevilkår. Konkurransegrunnlaget med vedlegg og tilbod frå valte leverandørar vil vere ein del av kontrakten.

## **1.8 Kunngjering**

Konkurransen er kunngjort i DOFFIN.

## **1.9 Rettingar, tillegg eller endring av konkurransegrunnlaget**

Innan utgangen av tilbodsfristen har Oppdragsgjevar høve til å gjere rettingar, suppleringar og endringar som ikkje er vesentleg i konkurransegrunnlaget, jf. FOA § 8-2.

Rettingar, tillegg eller endringar skal omgående verte publisert på Doffin-databsen. Opplysningane som oppdragsgjevaren gjev på førespurnad frå ein leverandør, vil også bli publisert omgående til alle dei andre leverandørane.

Tilbydar har sjølv ansvar for å halde seg oppdatert på dei endringar/korreksjonar til konkurransegrunnlaget som oppdragsgjevar legg ut på Doffin.

Dersom rettingane, tillegga eller endringane, som er nemnde i første ledd, kjem så seint at det er vanskeleg for leverandøren å ta omsyn til det i tilboden, skal det fastsetjast ei forlenging av tilbods-fristen. Alle leverandørar skal varslast om forlenginga.

Leverandøren har sjølv ansvar for å halde seg oppdatert på dei endringar/korreksjonar til konkurransegrunnlaget som Oppdragsgjevar legg ut på Doffin.

Eventuelle endringar av konkurransegrunnlaget, som spesifikasjonar, konkurranseregler, avtalevilkår eller liknande, vil ha gyldigheit framføre tidlegare motteke konkurransegrunnlag.

## **1.10 Spørsmål og svar**

Dersom tilbydar finn at konkurransegrunnlaget ikkje gir tilstrekkelig rettleiing, kan dei skriftlig (på e-post) be om tilleggsopplysningar hjå oppdragsgjevar, sjå punkt 1.2 for kontaktperson.

Spørsmål må vere stilt innan den fristen satt.

Dersom det vert oppdaga feil i konkurransegrunnlaget, ber vi om at dette vert formidla på e-post til oppdragsgjevar. Sjå elles punkt 1.9 om rettingar og supplering av konkurransegrunnlaget nedanfor.

## 2 REGLAR FOR GJENNOMFØRING AV KONKURRANSEN

### 2.1 Reglar og prosedyre for konkurransen

Konkurransen er regulert av lov om offentlige innkjøp av 16. juli 1999 med tilhøyrande forskrift.

Anskaffinga vert gjennomført som Open anbodskonkurranse i samsvar til del II i forskriftene til Lov om offentlige anskaffelser § 5-1(1). (Helse- og sosialtenester er ei prioritert tenester, og følgjer derfor del II). Dette er ein anskaffingsprosedyre som opnar for at alle interesserte leverandørar kan gje tilbod.

Meir informasjon om korleis selje til det offentlege finst blant anna på Nærings- og fiskerideparte-mentet sine nettsider: <https://www.regjeringen.no/no/tema/naringsliv/konkurransepolitikk/offentlige-anskaffelser-/fra-gammel-side/offentlige-anskaffelser-vil-du-selge-til/id439148/>

og på Direktoratet for forvaltning og IKT (Difi) sine sider: <http://www.anskaffelser.no/leverandorer>

Etter at tilboda er motteke vil det bli vurdert om leverandørane tilfredsstiller kvalifikasjonskrava i konkurransen. Det blir deretter gjort ei evaluering av tilboda til dei leverandørane som er kvalifiserte. Ved denne kjøpsforma, kan det ikkje gjennomførast forhandlingar om tilboda. Det kan berre gjennomførast samtaler for å opplyse eventuelle uklårheiter eller for å få tilleggsinformasjon.

### 2.2 Offentleg innsynsrett

Lov om rett til innsyn i dokument i offentleg verksamhet (offentleglova) av 19.05.2006 gjev rett til å gjere unntak frå offentleg innsyn for tilbod og protokoll inntil valet av leverandør er gjort (§ 23 3.ledd). Etter dette er tilboda offentleg tilgjengelege. Det skal imidlertid gjerast unntak for teiepliktigbelagde opplysningar etter forvaltningslova § 13, jf. Offentleglova § 13, jf. også FOA § 3-6.

Tilbydar må sjølv vurdere, og eventuelt merke tekst og opplysningar i tilboden som vert oppfatta som drifts- og forretningstilhøve som ein meiner det vil vere behov for å halde hemmeleg. I slike tilfelle skal tilbydar også levere ein versjon av sitt tilbod der slike opplysningar er sladda. I tillegg skal leverandør ha fylt ut vedlegg 4 – Mal for teiepliktige opplysningar, der teiepliktige opplysningar som går fram av tilboden skal identifiserast og grunngjenvæst. Vedlegget skal leggast ved tilbodsbriefet.

Oppdragsgjever har ei sjølvstendig plikt til å vurdere om opplysningane kan haldast hemmeleg med heimel i offentleglova § 13, jf. FOA § 3-6.

Kva som er slike forretningsforhold, sjå punkt om teieplikt, pkt. 2.3.

### 2.3 Teieplikt

Oppdragsgjever og hans tilsette pliktar å hindre at andre får tilgang eller kjennskap til opplysningar om tekniske installasjoner, framgangsmåtar eller drifts- og forretningstilhøve som det vil vere grunnlag for å halde hemmeleg av konkurransemessige omsyn(jf. fvl § 13).

### 2.4 Habilitet

Reglane om habilitet jamfør forvaltningslova § 6 til § 10 og kommunelova § 40 nr. 3 gjeld ved behandling av saker som er knytt til denne konkurransen.

## 3 KRAV TIL LEVERANDØREN

### 3.1 Generelt om kvalifikasjonskrav

Føremålet med å stille krav til leverandørane sine kvalifikasjoner er å sikre at leverandørane er i stand til å oppfylle ei eventuell avtale og såleis Oppdragsgjever sitt føremål med anskaffinga. Leverandør kan bli avvist dersom dokumentasjon og referansar viser at dette ikkje er sannsynleg, jf. foa. § 11-10.

Dersom leverandøren er klar over at opplysningane det er bede om under kvalifikasjonskrava kan gje uvisse om leverandøren si evne til å oppfylle ei avtale, bør relevant tilleggsinformasjon leggast ved tilboden. Det må gå klart fram av leverandør sitt tilbod kva kvalifikasjonskrav den vedlagte tilleggsinformasjonen knyter seg til. Alle kvalifikasjonskrav må vere oppfylt for at leverandør skal bli kvalifisert og få sitt tilbod evaluert.

### **3.2 Tilleggsfrist**

Dersom ein eller fleire tilbydarar ikkje har levert skatteattest eller annen offentleg tilgjengeleg dokumentasjon å at krav til leverandøren er oppfylt, kan oppdragsgjevar fastsetje ein kort tilleggsfrist for ettersending av desse dokumenta., jf. foa. § 12-3. Vidare kan oppdragsgjevar oppmøde om at framlagte attestar og dokumentknytt til krav til leverandør kan supplerast eller utdjupast, jf. § 12-4.

Dersom skatteattest eller annen offentleg tilgjengeleg dokumentasjon ikkje er levert innan fastsett frist – eventuelt tilleggsfrist, skal tilbydaren avisast, jf. FOA §11-10.

### **3.3 Obligatoriske og ufråvikelege krav**

Kvalifikasjonskrav:	Dokumentasjon - bevis for at dei stilte krava er oppfylte:
Tilbydar skal ha ordna forhold m.o.t. innbetaling av skatt, arbeidsgjevaravgift og meirverdiavgift.	<p>Skatteattestar ikkje eldre enn 6 månader rekna frå tilbodsfrist. Med skatteattest meinast:</p> <p>For norske tilbydarar: Attestane kan tingast hjå Altinn.no</p> <p>For utanlandske tilbydarar: Utanlandske tilbydarar må framleggje tilsvarande attestar frå sine land som viser at dei har ordna skatte- og avgiftsforhold.</p>

### **3.4 Tilbydars organisatoriske og juridiske stilling**

Kvalifikasjonskrav:	Dokumentasjon - bevis for at dei stilte krava er oppfylte:
Leverandør skal være eit lovleg etablert føretak.	<p>Firmaattest:</p> <p>Norske selskap: Firmaattest frå Føretaksregisteret (ikkje eldre enn 6 månader).</p> <p>Utanlandske selskap: Stadfesting på at selskapet er registrert i bransjeregister eller føretaksregister som føreskrevet i lovgjevinga i den stat der tilbydaren er etablert.</p>
Leverandør skal vere godkjent bemanningsføretak	Attest for registrert bemanningsføretak i Arbeidstilsynets register. Attest skal ikkje vere eldre enn 6 månader før tilbodsfristens utløp.

### **3.5 Tilbydars økonomiske og finansielle stilling**

Kvalifikasjonskrav:	Dokumentasjon - bevis for at dei stilte krava er oppfylte:
Tilbydar skal ha økonomisk kapasitet til å kunne oppfylle avtalen.	<p>Oppdragsgjevar vil vurdere leverandøren sin kvalifikasjon på bakgrunn av rekneskapstal og nøkkeltal registrert i Proff Forvalt (innloggingssider).</p> <p>Alle selskap som har levert rekneskap til Brønnøysundregisteret, vil vere registrert i Proff Forvalt. Leverandør vert bedt om å sjekke om det ligg slik informasjon i Proff Forvalt (<a href="http://www.forvalt.no">www.forvalt.no</a>).</p> <p>Leverandørar som ikkje har levert rekneskap til Brønnøysundregisteret og på den måten ikkje heller er registrert i Proff Forvalt, eller som ikkje oppfyller karakterkrava, kan godtgjere sin økonomiske og finansielle kapasitet med bank-/ morselskapsgarantiar, relevant ansvarsforsikring og/eller utdrag frå årsrekneskap.</p>

	<p>Oppdragsgjever vurderer ein bank-/ morselskapsgarantiar eller relevant ansvarsforsikring som egna, dersom dokumenta dekkjer Oppdragsgjever sin økonomiske risiko når leverandøren sjølv ikkje har økonomisk og finansiell kapasitet til å oppfylle avtalen. Med Oppdragsgjever sin økonomiske risiko meinast økonomisk tap som skuldast manglande avtaleoppfylling.</p> <p>Dersom selskapet ikkje har levert rekneskap til Brønnøysundregisteret: legg ved rekneskap, årsrapport og nøkkeltal for dei to siste åra.</p> <p>Vi minnar om foa. § 17-8 (2) om å støtte seg på anna føretaks kapasitet.</p> <p>Dersom leverandør av gyldige grunnar ikkje kan framlegge dokumentasjon som etterspurt, kan leverandør godtgjere sin økonomiske og finansielle stilling med eit kvart anna dokument. Leverandør har risiko for at dokumentet er eigna til å dokumentere tilstrekkeleg økonomisk og finansiell kapasitet.</p>
--	---

### 3.6 Tilbydars tekniske og faglege kvalifikasjonar

Kvalifikasjonskrav:	Dokumentasjon - bevis for at dei stilte krava er oppfylte:
Leverandøren skal ha god evne både fagleg, teknisk og kapasitetsmessig, til å gjennomføre oppdraget.  Minstekrav: minimum 50 000 leverte timer for sjukepleiarar og 20 000 for helsefagarbeidarar i 2016.	Oversikt over tal vikartimar som tilbydar har fakturert i 2016. Denne skal skilje mellom faggruppene. Denne skal vere stadfestat av revisor. Bruk vedlegg 3 Leverte timer i 2016.
Tilbydar må ha eit velfungerande kvalitetssikringssystem.	Vi ber om tilbydar fyller ut og legger ved dokumentasjon som etterspurt i punkt 1 i vedlegg 2 Kravspesifikasjon/tilbodsmål
Minstekrav: tilfredsstillande svar på spørsmål i vedlegg 2	
Leverandøren skal vere registrert bemanningsføretak i Arbeidstilsynets register.	Attest for registrert bemanningsføretak i Arbeidstilsynets register.

### 3.7 Underleverandørar

Det er ikkje høve til å nytte underleverandør på denne avtalen.

## 4 KRAV TIL TILBODET

### 4.1 Utforming av tilboden

- Tilboden med vedlegg skal vere skrive på norsk.
- Tilboden skal vere skriftleg og innehalde eit tilbodsbrev som skal vere datert og underteikna av person med rett fullmakt.
- Ved innlevering av tilbod må komplett namn og adresse som er registert på vedkomande firma oppgjevest. I tillegg skal det oppgjevest registreringsnummer frå firmaregisteret i Brønnøysund.
- Ufullstendige tilbod kan bli forkasta. Tilbod som avvik frå disposisjon og ikkje inneheld dei opplysningar, oppgåver m.m. som det er bedt om kan avisast.
- Tilboden skal innehalde alle opplysningar som denne tilbodsinnbydinga stiller krav om, og følgje inndeling gitt her:

#### Skiljeark 1

##### Tilbodsbrev:

Tilbodsbrevet skal vere datert, underteikna og stempla med firmaet sitt namn.

Vedlegg:

Skiljeark 2	- Oversikt over teiepliktige opplysningar, sjå punkt 2.3. Bruk vedlegg 4 Dokumentasjon av kvalifikasjonskrav, sjå punkt 3.3-3.6, (med unntak av 3.6, underpunkt 2).
Skiljeark 3	Dokumentasjon i samband med tildelingskriteria, bruk vedlegg 2. Dokumentasjon i samband med kvalifikasjonskrav, punkt 3.6, andre underpunkt, bruk vedlegg 2

## 4.2 **Tilbodsfrist**

Tilbodet skal vere oss i hende seinast 16.02.17, kl.12.00

Vi gjer merksam på at det er tilbydar sitt ansvar at tilboden når fram i tide. **For seint innkomne tilbod vil bli avvist.**

## 4.3 **Levering av tilboden**

**Sogn og Fjordane fylkeskommune**  
**Fylkeshuset**  
**Askedalen 2**  
**6863 LEIKANGER**

- Innpacking, lukking og merking av tilboden skal gjerast på ein slik måte at tilboden kan bevarast fortruleg fram til tilbodsopninga. **Tilbod som ikkje er merka og levert som føreskrive vil verte avvist dersom kravet til fortrulegheit ikkje kunne ivaretakast.**
- Tilboden skal merka "Tilbod 2017 - Helsevikarar".
- Tilboden skal vere i eitt sett skriftleg tilbod og 1 sett elektronisk tilbod på minnepenn. Dersom papirdokumentet og det elektroniske dokumentet ikkje samsvarar, vert papirdokumentet lagt til grunn.
- *I tillegg skal det leverast inn ein sladda versjon i forhold til drifts- og forretningsløyndomar på minnepenn, jamfør punkt 3.3. For sladda informasjon skal det leggast ved grunngjeving, sjå vedlegg 4 - teiepliktige opplysningar.*
- Tilbod levert per e-post vil ikkje verte akseptert.

## 4.4 **Oppretthalting av tilboden**

Leverandøren er bunden av tilboden i 3 månader etter tilbodsfrist.

## 4.5 **Endring og tilbakekalling av tilboden**

Tilboden kan tilbakekallast eller endrast inntil tilbodsfristen går ut. Tilbakekalling skal skje skriftleg. Endring av tilboden er å sjå på som eit nytt tilbod, og skal utformast i samsvar med punkt 4.2 og 4.3. Endra tilbod vert ikkje returnert.

## 4.6 **Atterhald og avvik**

Eventuelle etterhald og/eller avvik til konkurransegrunnlaget, inkludert vedlegg, skal spesifiserast klart og tydeleg i eige vedlegg. Leverandøren må skildre kva konsekvensar etterhalda får, og prisfesta konsekvensane.

Det er ikkje høve til å ta etterhald mot eller avvike grunnleggande element i konkurransegrunnlaget. Slike etterhald vil føre til at tilboden vert forkasta.

## 4.7 **Alternative tilbod**

Det er ikkje høve til å levere alternative tilbod.

## 4.8 **Tilbod på delar av oppdraget**

Det er ikkje høve til å gje tilbod på delar av oppdraget.

## 4.9 Kostnader ved utarbeiding av tilbod og eventuelle møter

Alle kostnader i samband med utarbeiding av tilbod og eventuelle møter skal i sin heilskap dekkjast av den einskilde tilbydar. Det vil ikkje bli gitt noko form for honorar eller utgiftsdekning for utarbeiding av tilbod.

# 5 HANDSAMING AV TILBODA

## 5.1 Registrering av tilboda

Mottakar fører på dato for mottak av tilboda, etter kvart som dei kjem inn. På oppmoding skal Oppdragsgjevaren skriftleg stadfeste når eit tilbod er motteke.

## 5.2 Tilbodsopning

Offentleg opning der tilbydarar kan møte opp vil ikkje finne stad. Dei innkomne tilboda vil bli opna av to representantar frå oppdragsgivar. Tilboda vil bli protokollført.

## 5.3 Avvisning av leverandørar

Oppdragsgjevar kan ha plikt til å avvise leverandørar som ikkje oppfyller dei fastsette og kunngjorde kvalifikasjonskrava. Oppdragsgjevar kan avvise leverandørar som ikkje har sendt inn anna etterspurt dokumentasjon. Sjå reglane i FOA. § 11-10 (1).

## 5.4 Avvisning av tilbod

Oppdragsgjevar vil i nokre tilfelle ha plikt til å avvise tilboden i enkelte tilfelle. I andre tilfelle kan oppdragsgjevar avvise tilbod. Vi viser til FOA §11-11 for reglar kring avvisning av tilbod.

## 5.5 Avklaring

Etter tilbodsfristen er det ikkje tillate å endre tilboda eller prøve å endre tilboda gjennom forhandlingar. Det er høve til å gjøre visse avklaringar kring tilboden. Reglane for slike avklaringar går fram av FOA kapittel 12 .

### 1.1 Retting av openberre feil

Dersom Oppdragsgjevar vert merksam på openberre feil i tilboden, skal desse rettast dersom det ikkje er tvil om korleis feilen skal rettast.

### 1.2 Avviste og forkasta tilbod

Avviste og forkasta tilbod vil ikkje bli returnerte.

# 6 AVGJERDA AV KONKURRANSEN

## 6.1 Avlysing av konkurransen og total forkasting

Oppdragsgjevar kan avlyse konkurransen dersom sakleg grunn ligg føre, til dømes ved bortfall av planlagt finansiering eller manglende godkjenning frå politisk hald. Oppdragsgjevar kan forkaste alle tilboda dersom resultatet av konkurransen gjev sakleg grunn for det.

Oppdragsgjevar skal i så fall gje skriftleg melding med ei kort grunngjeving av årsaka til avlysinga/totalforkastinga. Forkasta tilbod vil ikkje bli returnert til leverandør.

## 6.2 Evaluering av tilboda

For kvalifiserte leverandørar blir tilboda evaluert. Dersom tilboden dekker minstekrava , vil val av leverandør skjer på grunnlag av lågast pris. Tilbydar skal fylle ut pris i Vedlegg 2 Kravspesifikasjon/tilbodsmål.

Tilboda vert evaluert i samsvar med vilkåra i forskrift om offentlege anskaffingar.

## 7 KONTRAKTSTILDELING

### 7.1 Generelt

Det vert inngått avtale i samsvar med avtalevilkåra i vedlegg 5.

### 7.2 Innstilling på tildeling av avtale

Oppdragsgjever si avgjerd om kven som får tildelt avtale, skal vere skriftleg, og sendast alle deltakarane samstundes i rimeleg tid, minst 10 dagar, før avtale vert inngått. Med "avtale vert inngått" meiner ein tidspunktet då begge partar underteiknar avtalen. Meldinga skal innehalde ei grunngjeving for valet og gje ein frist for eventuell innlevering av klage over vedtaket.

Dersom det ikkje kjem inn motsegner innan karensperioden som er oppgitt i brev, forventar Oppdragsgjever at uaktuelle leverandørar respekterer utfallet og avstår frå aktivt sal til Oppdragsgjever sine einingar.

## 8 SJEKKLISTE FOR TILBYNDAR

Denne sjekkelista er meint å hjelpe tilbydarane å legge få ved alle relevante vedlegg. Den er berre til internt bruk for tilbydar.

NB! Det er ikkje slik at alle vedlegg er relevant for alle tilbydarar – sjå relevant del av konkurransegrunnlaget

Vedlegg	Namn	Skiljeark nr	Lagt ved
4	Eigenerklæring om teieplikt	1	
	Skatteattest	2	
	Firmaattest	2	
	Eventuelt to års rekneskap er lagt ved tilbodet	2	
	Attest for registrert bemanningsføretak i Arbeidstilsynets register.	2	
3	Leverte timer i 2016	2	
2	Kravspesifikasjon-tilbodsmål	3	

## 9 VEDLEGG

Vedlegg 1: Oversikt over deltakarar

Vedlegg 2: Kravspesifikasjon/Tilbodsmål

Vedlegg 3: Leverte timer i 2016

Vedlegg 4: Eigenerklæring om teieplikt

Vedlegg 5: Avtalevilkår